

## 2 Corintios

### *Õpa gojabeoñumi Pablo Corinto majarãre*

<sup>1</sup> Yũhũ Pablo Jesucristo yare ãgũ buhedore ãgũ apidigũ añraa. Mari Pagũ ãgũ gamero dopa ta apimi yũre Jesu. Yũhũ, mari acaweregũ Timoteo mera mũare Goãmũre umupeorãre Corinto majarãre gojabeoa. Árĩpehrerã Jesucristo yarãre Acaya majarãre mũa sãre gojabeoa.

<sup>2</sup> Eropirã Goãmũ mari Pagũ, mari Opũ Jesucristo mera mũare õadorea. ãgũ itamuro mera õaro árĩque mũa.

### *Pablo ãgũ ñero tarirare õpa arĩ wereñumi*

<sup>3</sup> Mari Opũ Jesucristo Pagũ Goãmũ marire mojomoro ãhami. Eropigũ ãgũ dihta marire árĩpehrerinũri õaro síporãcũcũ iimi. “Õatariagũ añrimi ãgũ,” arãa mari.

<sup>4</sup> Mari ñero taricũ ãagũ marire ãgũ yarãre itamumi ãgũ gajirãre mari itamuboro dopa. Eropirã gajirã erã ñero taricũ erãpũre itamuro gahmea marire. Goãmũ marire ãgũ itamuro dopa ta mari sã erãre itamurã.

<sup>5</sup> Cristo yarã mari árĩrã ãgũ ñero taridiro dopa ta mari sã bũrigã ñero taria. Mari ñero taridiro dopa ta ãgũ itamurire wũaro opaa.

<sup>6</sup> Gũapũ mũare itamurã ñero taria. Eropirã Cristo mera mũa õaro árĩboro dopa gũa mũare werera dipuwaja gajirã ñero iima gũare. Gũa ñero tariquerecũ Cristo gũare itamumi. Eropirã

Cristo guare itamucũ guapũ mua sãre itamumasia. Eropirã gua ñero taridiro dopa ta mua sã ñero tarirã õaro mera yujuro bojerãca.

<sup>7</sup> Õaro mera mua yujuro bojerã árĩborore gua masia. Gua ñero taridiro dopa ta ñero taria mua sã. Eropirã Goãmũ ãgu itamuri mera gua yujuro bojediro dopa ta mua sã yujuro bojerãca.

<sup>8</sup> Gua acawererã, dohpaguere ire mua õaro masicũ gua gahmea. Asia yebaguere ñetariaro taribũ gua. Gua gamero iirã ne bocatiubiriboya. Õpa arĩ pepiribũ gua: “Ne bocatiusome mari. Eropirã mari sĩrirãca,” arĩ pepiribũ gua.

<sup>9</sup> Eropirã “Marire wejẽcãrãcoma,” arĩ pepiribũ gua. Gua eropa ñero taribũ Goãmũ dihtare gua guñaturaboro dopa. ãgũpũ sĩrinirãre masugũ ãhrimi. Eropa ãgũre guñaturarã gua gamero gua bocatiubirirare masia. “Goãmũ ta marire itamumi,” arãa pare.

<sup>10-11</sup> Guare guhyaquerecũ ta ãgu itamuro mera taribũ. Pũhrũgue sãre dipaturi guare taugũcumi. Mua sã guare itamumorã mua Goãmũre serẽbasacũ sãre ãagu ãgu guare taugũcumi. “ãgu ta guare taugũcumi,” arĩ masia mari. Eropirã ãgu guare taucũ ãarã, ãgũre “Õhaa” arĩrãca mũapũ. Mua bajarã serẽrare ãgu yũhricũ ãarã “Õhaa, diaye ta ãhraa,” arĩrãca mua bajarã Goãmũre.

*Pablo Corintogue ãgu wadiarare wereñumi*

<sup>12</sup> Eropirã gua iirare guñarã mucubiriri mera õpa arĩ pepia gua: I yebare Goãmũ ãgu itamuro mera ñeri mariro õari mera masare wapicũ

buhebu. Mũa sãre ãaro wapicu buhebu. Õpa iirã gũa masiri mera iibiribu. Goãmũa guare ãgu mahicũ ãgu turari mera eropa iibu gũa.

13-14 Eropirã ãaro were mũare gojabeorã di-aye ta werebu mũare ãaro mũa masiburire. Dohpague guare ãaro masinibea mũa. Gũa árĩricũre mũa turaro masicũ gahmea gũa. Eropirã mari Opũ Jesucristo dujaricũ gũa mera mucubirirãca mũa. Mũa mera gũa mucubiridiro dopa ta mũa sã gũa mera mucubirirãca.

15-16 Eropa arĩ pepigu Macedonia yebague wagu mũa pohrogue wamũhtadiarabu. Eropigu mũare ãhatariwahgãboya. Eropigu erogue ejadigu dujarigu dipaturi mũa mera bajamenurigã árĩboya yũhũ. Eropirã pesubu mũa mera yũ árĩcũ ãarã turaro mucubiriboya mũa. Mũa pohrogue yũ árĩcũ ãanirã Judea yebague yũ wacũ ãarã yũre itamuboya mũa.

17 “Wagura,” yũ arĩcũ peenirã árĩrã, yũ wabiricũ ãarã “Pablo Jesure umupeobirã iro dopa guyagu iĩnũmi,” ¿arĩ pepiri mũa? “‘Wagura,’ arĩqueregu ãgu gamero mari pohro aridiabiriĩnũmi ãgu,” ¿arĩ pepiri mũa yũre? “Ãgu arĩdiro dopa iibeami,” ¿arĩ pepiri mũa?

18 Eropa arĩ guyagu iibeaa yũhũ. Eropigu “Iigura,” arĩgu yũ arĩdiro dopa ta diaye ta iiaa yũhũ. Irire masimi Goãmũa.

19 Yũhũ, Sila, Timoteo mera Jesucristo Goãmũa magu yare mũare werebu. ãgu Jesucristo “Iigura,” arĩgu, diaye ta iigu ãhrimi. Goãmũa ãgu arĩdiro dopa ta Cristo iimi.

20 Árĩpehreri ãgu Pagu ãgu masare “Õpa ãaro

iigura,” arĩ wererare Cristo iipehocãdi árĩmi. Ìgu eropa iigu árĩcũ gũa ìgu yare gajirãre werea Goãmure erã umupeoboro dopa.

<sup>21</sup> Cristo yarã marire árĩniguicũ iigu Goãmũ ta àhrimi. Eropigu ìgu yare weremorãre marire apimi ìgu.

<sup>22</sup> Eropigu ìgu yarã mari árĩcũ ìagu irire marire masicũ iimi ìgu. Eropigu ìgu Espiritu Santore mari mera árĩdoremì ìgu. Mari mera árĩcũ ìha Goãmũ ìgu marire òaro iiburire masia mari.

<sup>23</sup> Dohpaguere yũhũ mũa pohro wabirirare diaye ta weregura mũare. Yũ wereri diaye árĩcũ Goãmũ masimi. Ìgu ta yũ pepirire masimi. Mũa ñero iira dipuwaja turidiabigu mũa pohroguere wadiabiribũ. Erãre bũjawerecũ iiri, arĩgu mũa pohroguere Corintoguere wabiribũ.

<sup>24</sup> Eropirã “Mũare dorerã àhraa gũa,” arĩã iibeaa. Eropirã “Òpa Cristore umupeoro gahmea mũare,” arĩã iibeaa gũa. Mũa Cristore òaro umupeotuhabũ. Mũare umupeonemocũ iirã mũa òaro mucubirirã árĩcũ iidiaca gũa.

## 2

<sup>1</sup> Wabigu òpa arĩ pepibũ: “Dipaturi erãre bũjawerecũ iidiabeaa. Eropigu dohpaguere wabeaa,” arĩ pepibũ.

<sup>2</sup> Mũare bũjawerecũ iidiabeaa. Mũa bũjawerecũ ìagu yũpũ mucubiribiriboya. Eropirã yũre mucubiricũ iimorã árĩbiriboya mũa sã.

<sup>3</sup> Eropigu mũa pohrogue wabiribũ. Wabigu mũa árĩricũre amuboro dopa mũare gojabeobũ. Mũa yũre mucubiricũ iibonirã árĩquererã ta yũre bũjawerecũ iiboya mũa mũa pohrogue yũ wacũ. Mũa mera yũ mucubiricũ mũa sã yũ mera mucubirirãca. Irire masia yũhũ. Eropigu mũa mera bũjawerediabigu “Wabeaa,” arĩ, carta gojabeobũ.

<sup>4</sup> Eropigu mũare gojagu wũaro pepigu ñero sĩporãcũgu, turaro co deco wiriri mera mũare gojabeobũ. Eropa gojagu mũare bũjawerecũ iidiabiribũ. Mũaare yũ bũrigã mahirare mũare masicũ iidiagu mũare eropa gojabeobũ.

*Erã mera majagu ĩgu ñero iirare cãdijidoreñumi Pablo Jesu yarãre*

<sup>5</sup> Mũa mera majagu ĩgu ñero iira mera yũre bũjawerecũ iimi ĩgu. Mũaare ĩgu turaro bũjawerecũ iidiro dopa ta yũ sãre wũaro bũjawerecũ iimi ĩgu. ĩgu marire eropa bũrigã bũjawerequererũ ta wũatariaro dipuwaja moadorebeaa dohpaguere.

<sup>6</sup> Bajarã mũa mera majarã ĩgu ñero iira dipuwaja moatuhãnorã. Iripẽta dipuwaja moa duhuro gahmea ĩgũre.

<sup>7</sup> ĩgũre mũa dipuwaja moaniguicũ bũrigã bũjawerebocumi ĩgu. Eropigu Cristo yare duhubocumi. Eropirã ĩgu ñero iirare cãdijique mũa. ĩgũre itamuque ĩgu õaro sĩporãcũboro dopa.

<sup>8</sup> Eropirã ĩgũre õaro iique mũa ĩgũre mũa mahirare ĩgu masiboro dopa. Mũa eropa iicũ bũrigã gahmea yũhũ.

<sup>9</sup> Ero core mũare gojabeogu “¿Diaye ta yũre yũhrirãcuri?” arĩ pepigu gojabeobũ mũare. Yũre mũa yũhricũ ãadiagu gojabeobũ.

<sup>10-11</sup> Dohpaguere ãgu ñero iirare mũa cãdijicũ ãagu yũ sã ãgu ñerire cãdijigũra. Yũre ñero iibirimi ãgu. Mũarũre ñero iidi árĩmi. ãgu eropa iidigu árĩquerecũ ta ãgu ñero iirare cãdijia yũ sã. Mũare õaro itamudiagu Cristo ãgu ãhabeoro ãgu ñero iirare cãdijia. Irire cãdijia Satana marire ãgu tarinũgabiriboro dopa. ãgu mari ñerire iicũ gahmemi. Irire õaro masia. Eropirã Jesu yarã erã ñeri iirare guñaniguibeaa mari Satana yarũre iiri arĩrã.

*Troa waĩcũri maca árĩgu Titore bocabigu mũaro bũjawere pepĩumi Pablo*

<sup>12</sup> Eropigu Troa waĩcũri macague Cristo yare buhegu ejaribũ. Erogu yũ ejacũ bajarã masa õari buherire peediarã árĩma. Mari Opu ãgu itamuri mera ãgu yare yũ buherire peerã bajarã masa árĩma.

<sup>13</sup> Eropa árĩquerecũ ta mari acaweregu Titore bocatĩribirinijagu mũaro bũjawere pepigu erore árĩmasibiribũ, Eropigu ero majarãre goerisere-tuhagu Macedonia yebague waha wabũ ãgũre amagu.

*Goãmũ marire tarinũgacũ iimi, arĩ gojañumi Pablo*

<sup>14</sup> Goãmũre mucubiriri mera “Õhaa,” arãa. Goãmũ ñerire árĩpehrerire tarinũgagu ãhrimi. Cristo yarã mari árĩcũ ãagu marire tarinũgacũ iimi. Poresudiro poresu sehyaboro dopa ta ãhraa mari. Poresu sehyaro dopa ta Goãmũ

dorero mera árĩpehreroguerere Cristore masicũ iiaa mari. Eropã ãgũre masirã erã õaro pepima.

<sup>15</sup> Cristo yarã árĩrã masare Cristore guñacũ iiaa mari. Mari eropiicũ ãha Goãmũ mucubirimi. Masare Cristore guñacũ iicũ erã ãgũ árĩrire masima. Goãmũ ãgũ taumorã Cristo árĩrire masima. Gajirã erã peamegue wamorã sã Cristo árĩrire masima mari mera.

<sup>16</sup> Cristo árĩrire masirã erã peamegue wamorãpũ peamegue erã waborore masima erã. Goãmũ ãgũ taumorãpũ árĩpehrerinũri ãgũ mera erã árĩburire masima. Eropirã ire Cristo yare mari mari gamero mera buhe ojogorocumasibea. Goãmũ ãgũ itamuri mera ta mari ãgũ yare buhe ojogorocumasia.

<sup>17</sup> Bajarã gajirã Goãmũ yare buhemaacãma niyerure wajatadiarã. Gũapũ erã iro dopa ta iibea. Gũyaro mariro Cristo ãgũ turari mera ãgũ yare buhea gũ. Goãmũ guare ãgũ obeorã árĩrã ãgũ ãhurore õaro buhea gũ.

### 3

*“Õpa iigũra,” Goãmũ ãgũ arĩ werepirare mama buherire wereñumi Pablo*

<sup>1</sup> ¿Dipaturi gũ árĩricũrire mũare wererã iiri gũ mũa pepicũ? Gajirã mũare erã buheboro core erã buheri queoro árĩrire masidiarã erã gojarapũre serẽmũhtabũ mũa erãre. ¿Guare masituhaquererã ta iripũnore serẽri mũa guare? ¿O gajirã pohrogue gũ buherã warã iripũnore guare aĩgãro gahmeri mũa pepicũre?

<sup>2</sup> Iripũnore gamebea gũ. Mũapũre õari gohrotonirãre árĩpehrerã gajirã ãarã mũare gũ

õaro buherare masirãcoma. Mũare gũa buhecũ Cristore umupeorã ãgũ yarã árĩnũgabu mũa.

<sup>3</sup> Cristo yarã mũa árĩcũ ãarã masa mũare Goãmũ ya buheri gohrare gũa queoro buherare masituhama. Mũare buherã Goãmũ yagũ Espíritu Santo ãgũ itamuri mera buheabu. ãgũ Goãmũ ojocarigũ gohra ãhrimi. Gũa eropa buhecũ peerã Cristore õaro gahmeabu mũa. Eropa gamerã mũa árĩcũ gajirã mũare ãarã Cristo yarã mũa árĩrire õaro masima. Eropa masirã mũare Goãmũ ya buheri gohrare gũa queoro buherare masima masa.

<sup>4</sup> Eropa wacũ masia gũa Goãmũre guñaturari mera. Cristo ãgũ itamuri mera eropa guñaturaniguia mari.

<sup>5-6</sup> “Gũa gamero i mohmerire iiaa gũa,” arĩmasibea. Goãmũ ãgũ itamuri mera ire iiaa gũa.

Eropigũ dohpaguere ãgũ wererire õari buherire Goãmũpũ õaro gũare buhemasicũ iimi. Eropa buherã iribojegue ãgũ doreri Moisere ãgũ apira dorerire buhebea. Espíritu Santo mera mari Goãmũ mera õaro árĩburipũre buhea gũa. ãgũ dorerare mari gamero mera ne bocatiubea. Eropa mari bocatiubirira dipuwaja peamegue waboya mari. Espíritu Santopũ mari Goãmũ mera árĩpehrerinũri õaro árĩniguicũ iimi. Õari buheri buhecũ peeñanirãre õaro árĩniguicũ iimi.

<sup>7</sup> Goãmũ ãgũ dorerire utãmijirigue gojani-jagũ Moisere apiñumi. ãgũ eropa apira pũhrũ ãgũ árĩro gosesiriri dehyoamũriyoro Moi-



sere “Goãmũ ãgũ apira õari ãhraa,” arĩro dopa. Eropiro Moise diapo burigã gosesiriyoro. Cuimiju arĩyoro. Pũhrũ ãgũ gosesiriri pehrerisubũ ãgũ arĩquerecũ ta masa ãgũre ne ãamehtumasibiriñuma. Iri dorerire ãgũ apira pũhrũ iri dorerire iibirã masa dipuwajacũrã peamegue wamorã wañuma. Eropiro iri doreri masare peamegue wadorequerero ta, Goãmũ ãgũ arĩro gosesiriri mera arĩnũgayoro.

<sup>8</sup> Iri doreri tauro õari buheripũ “Jesucristo masare taumi,” arĩ buheri õataria. Iri buherire gajirãre mari buhecũ erã õaro peecũ Goãmũ ta erã mera arĩgũcumĩ ãgũ Espĩritu Santo mera. Eropiro iribojegue maja doreri tauro Cristo ya buheripũ õataria.

<sup>9</sup> Goãmũ Moiserẽ apira doreri iribojegue maja masare peamegue wadoreyoro. Eropa dorequerero Goãmũ ãgũ gosesiriri mera arĩnũgayoro. Iri tauro õari buheripũ Goãmũ ãgũ turari mera ãhraa. Iri buheri mera õarã wahama masa Goãmũ ãgũ ãacũ.

<sup>10</sup> Iribojegue Goãmũ ãgũ doreripũ turari arĩquerero dohpaguere bu gohra ta ãhraa. Õari buheripũ iri tauro turatariari ãhraa. Iri buheri mera ɰmaroguere mari wamasia.

<sup>11</sup> Iribojegue Goãmũ ãgũ doreri Moiserẽ ãgũ apira doreri Goãmũ gosesiriri mera arĩnũgaquerero ta pehreburi arĩyoro. Õari buheripũ “Jesu marire taugũcumĩ,” arĩ buheripũ arĩnũguicãroca. Eropiro “Iri doreri tauro õari buheripũ õataria,” arĩ masia mari.

<sup>12</sup> Irirẽ eropa masirã, gũiro mariro õari buherire õaro werepehocã gũa.

<sup>13</sup> Moise guã iro dopa árĩbiriñumi. Ìgure Goãmũ ìgũ goesiriri pehrerore yũ acawererã masiri arìgũ dopa ìgũ diapore suhri gasiro mera cãhmotacãñumi Moise.

<sup>14</sup> Moise ìgũ diapore ìgũ cãhmotacũ Goãmũ goesiririre ìgũ òarire erã ñecũ sumarã ìhamasibiridiro dopa ta erã dohpaguere òari buherire òaro masibeama. Goãmũ wererire iribojegue erã gojarapũrire erã buherã ne masibeama erã Israe masapũ. Cristore gamebirã masisome erã. Ìgure umupeorã tamera ìgũ yare masiràcoma.

<sup>15</sup> Dohpague sãre Israe masa Goãmũ dorerire Moisere ìgũ apirare buhequererã, erãre cãhmotaro dopa ta ne masibeama erã.

<sup>16</sup> Erã mari Opũ Jesucristore erã gamecũ ìgũ ta erãre masicũ iimi. Iri cãhmotariñere aĩro dopa ta mari Opũ marire ìgũ yare òaro masicũ iimi.

<sup>17</sup> “Mari Opũ,” arĩrã Espíritu Santore arĩrã iiaa. Mari Opũ ìgũ Espíritu Santo mari mera ìgũ arĩcũ ìgũ yarã àhraa. Eropa arĩrã “Iribojegue maja dorerire iiro gahmea Goãmũ yarã arĩmorã,” arĩbeaa mari.

<sup>18</sup> Eropirã Jesu yarã arĩrã, Jesucristo ìgũ òarire ìhmurã iiaa mari. Eropigũ mari Opũ Espíritu Santo marire gohrotocũ iimi. Ìgũ eropa iicũ Cristo òagũ arĩdiro dopa ta òarã warã iiaa mari sã.

## 4

<sup>1</sup> Goãmũ guare mojomoro ìagũ, òari buherire weremorãre apimi guare. Ìgũ eropa apicũ masirà ìgũ yare buherã duhudiabeaa.

<sup>2</sup> Masa ñabiro ñerire iicoreri guhyasiuri ãhraa. Irire guapũ ne iibea. Ñgu yare buherã guyarire buhebiribũ. Eropirã gua Goãmu yare ne gohrotobea. Eropa iibirã õari buherire õaro diaye buhea gua Goãmu ñgu ñhuro árĩrã. Gua eropa árĩricurire árĩpehrerã õaro masima guare ñarã gohra.

<sup>3</sup> Gua iri buherire õari buherire werea. Gua irire buhequerecũ ta gajirã masibeam. Eropa masibirãpũ peamegue wamorã ãhrima.

<sup>4</sup> Satana ñegu i yeba majarã opu erãre Goãmu yare masibiricũ iimi. Curi ñhajabirã erã ñhajabiro dopa ta masibirã wacũ iimi erãre. Õari buherire Cristo ñgu turarire erã masibirã wacũ iimi ñgu erãre. Cristo Goãmu ñgu árĩricurire opami. Ñgu Cristo Goãmu gohra ta ãhrimi.

<sup>5</sup> Gua buherã “Guapũre umupeoque,” arĩ buhebea. Õpa arĩ buhea gua: “Jesucristopũ ãhrimi mari Opu,” arĩ buhea gua. Guapũ Jesure yũhrirã ãhraa. Eropirã mũare itamurã ãhraa gua.

<sup>6</sup> Negohraguere õpa arĩ dorepũ Goãmu i mũmu naitĩaro árĩcũ: “Boyoro árĩque,” ñgu arĩcũ boyoa wayoro. Eropigũ dohpaguere ñgu ta iri turari mera marire masicũ iimi boyoro árĩro dopa. Eropa marire masicũ iigu ñgu õaro árĩricurire marire masicũ iimi. Jesucristore masirã ñgu Pagu ñgu õaro árĩricurire masia mari.

*Cristo turari mera mari ãhraa, arĩ gojañumi Pablo*

<sup>7</sup> Eropa masirã árĩrã, Goãmu ñgu turarire gajirãre masicũ iiaa. Eropa iirã árĩquererã ta

turabirã ãhraa guapũ. Mátasoro mata wahri-  
rasoro iro dopa ta gua sã turabirã ãhraa. Gua  
eropa turabirã árĩquererã ta gua masare Goãmũ  
yare werecũ ĩarã, gua gamero mera iimasibiri-  
rare ĩarã õpa arĩ masirãcoma erã. “Goãmũ  
turari mera eropa arĩ wereniguima marire,”  
arĩrãcoma masa. Eropirã Goãmũpare umupe-  
orãcoma.

<sup>8</sup> Árĩpehrerã gajirã guare ñero iiquererã ta  
Goãmũ guare taucũ erã guare tarinũgabeama.  
Eropirã gua gariborequererã ta ne Goãmũ yare  
buhe duhudiabeaa.

<sup>9</sup> Guare erã ñero iiniguiquerecũ ta Goãmũ  
guare eropa itamuniguicãmi. Guare erã pameh-  
piquerecũ ta ĩgu itamuri mera sĩribeaa gua.

<sup>10</sup> Erã wejẽsũmorã árĩcãrã tiiaa gua Cristo  
i yebaguere ñero ĩgu taridiro dopa ta. Erã  
wejẽsũmorã árĩquererã eropa árĩniguirã tiiaa  
gua sã Cristo ĩgu ojocaririre ĩhmumorã.

<sup>11</sup> Eropirã umuri nũcũ gajirã guare wejẽmaja  
guhya ãhrima Cristo yarã gua árĩri dipuwaja.  
Õpa ta ñero tariquererã árĩniguia gua Cristo ĩgu  
ojocaririre ĩhmumorã.

<sup>12</sup> Eropirã mũare gua buheri dipuwaja guare  
gajirã wejẽmajaguhya ãhrima. Gua buherire  
mũa peenirãpũ umuri nũcũ Goãmũ mera  
árĩmorã ãhraa.

<sup>13</sup> Goãmũ yare erã gojarapũ õpa ãhraa:  
“Goãmũre umupeobũ. Eropigu ĩgu yare  
werebũ,” arĩ gojañumi iribojegue majagu. Gua  
sã yujuropa ta ãhraa. Goãmũre umupeorã ĩgu  
yare werea.

<sup>14</sup> I sãre õaro masirã ĩgu yare werea gua.

Cristo ĩġu sĭrira pũhrũ Goãmũ ĩġure masudi árĩmi. Eropigũ Cristo yarã mari árĩcũ ĩagũ ĩġu mari sãre masugũcumi. ĩġu eropa masura pũhrũ ĩġu pohroque aĩġãġũcumi marire.

<sup>15</sup> Eropirã mũare itamudiarã ñero taria ġua. Eropirã Cristo yarã mũa bajarã warã, bajarã mũa Goãmũre mucubiriri mera umupeorãca. ĩġure “Õhaa,” arĩrãca.

<sup>16</sup> Mũa eropa umupeocũ ĩarã, ġua ñero tariquererã ta bũjawerebeaa. Eropirã Cristo yare were duhubeaa. ġua dũpũ Ʃmũri nũcũ turabiri wahġãro iiaa. Eropa turabiri wahġãquererã ta õaro sĭporãcua Jesucristore ġuñaturari mera.

<sup>17</sup> Dohpaguere ñero tariquererã ta pũhrũ ñero tarisome. Eropirã Cristo yare were duhubeaa. Iri ñero mari tariri pehrea waroca. Eropirã marire merogã ñero tariro ġahmea. Eropa mari ñero tarinirã árĩrã, pũhrũġuere wũaro mucubiriri mera árĩniguirãca Goãmũ mera. Eropirã mari ñero taridiro tauro bũrigã mucubiriri mera eropa árĩniguiçãrãca.

<sup>18</sup> Eropirã mari ĩarire dohpaguere mari warore ġuñanũrũbeaa. Mari ĩabiriripũre pũhrũ mari Goãmũ mera árĩniguiçurire ġuñanũrũca. Mari dohpaguere ĩari pehrea waroca. Mari ĩabiriripũ árĩniguiçãroca.

## 5

<sup>1</sup> I sãre masia mari: Wihire mari cóãdiro dopa ta mari dũpũre cóãrãca. Eropigũ mama wihi iibodiro dopa ta Goãmũ mama dũpũre iĩġũcumi. Eropigũ iri dũpũre marire ogũcumi. Eropirã Ʃmaroġuere eropa árĩniguirãca iri dũpũ

mera. Irire masirã ñero tariquererã Goãmũ yare duhubeaa.

<sup>2</sup> Eropirã iri dũpũre Ʃmaro maja dũpũre turaro gamerã, mari eropa coreniguirã iiaa.

<sup>3</sup> Suhriore turaro mari sañadiaro dopa ta iri dũpũre turaro gahmea mari. Eropa ta cohrea mari iri dũpũ marirã árĩdiabirã.

<sup>4</sup> Dohpague maja dũpũre cóãdiabiriquererã Ʃmuri nucũ Goãmũ mera mari árĩburi dũpũre burigã gahmea mari. Eropirã i mari dũpũ siriburi dũpũ iri árĩcũ masirã, mama dũpũ mera Goãmũ mera eropa árĩniguidiaa mari.

<sup>5</sup> Mari ĩgũ mera árĩniguiborore amuyudi árĩmi Goãmũpũ. Eropa amuyugũ ĩgũ Espĩritu Santore omũhtami marire. Eropĩgũ ĩgũ Espĩritu Santo mari mera árĩcũ ĩha marire Goãmũ ĩgũ iiborore, “Diaye ta ãhraa,” arĩ masia mari.

<sup>6</sup> Eropirã Goãmũ mera sĩporã turarã ãhraa. Gũiro mariro ãhraa mari. I sãre mari masia. I dũpũ mari árĩmũhtara dũpũ mera árĩrã, mari Opũ pohro árĩnibeaa.

<sup>7</sup> Ʃmaro majare Goãmũ sãre mari ĩabiriquererã ta “Ĩgũ diaye ta ãhrimi,” arĩ masia mari. Eropirã ĩgũre umupeoa.

<sup>8</sup> Eropirã mari Goãmũ pohro waborore masia. Mari dũpũre i yeba maja dũpũre cóãrã mari Opũ mera Ʃmarogue mari árĩdiaa.

<sup>9</sup> Eropirã Cristore mucubiricũ iidiaa mari. I yeba maja dũpũ mera árĩrã ĩgũre mucubiricũ iidiaa mari. Ʃmarogue árĩrã sã ĩgũre mucubiricũ iidiaa.

<sup>10</sup> Árĩpehrerã Cristo pohrogue mari wacũ ĩagũ ĩgũ mari iirare beyegũcumi. Eropiro mari iira

masisũroca. Eropigu marire ðarire mari iira wajare ogucumi. Ñerire mari iira waja sãre ogucumi. Īgu eropa beyegu áricũ masirã ĩgure mucubiricũ iidiaa mari.

*Goãmure mari mera ðaro áricũ iimi Cristo, arĩ gojañumi Pablo*

<sup>11</sup> Eropirã guhyadiaro mera mari Opure umu-peoro gahmea marire. Īgu marire eropa beyeburire masirã, Cristo yare masicũ iiaa gũa masare. Erãre gũisãrã, ĩgure umupeocũ iidiaa gũa. Gũa ðarã árĩrire Goãmũ ðaro masimi. Gũa eropa iirire mũa sãre ðaro masicũ gahmea yũhũ.

<sup>12</sup> Dipaturi gũa ðarã árĩrire mũare wererã iibea. “Gajirãre tarinũgaa,” arĩmaacãnirãre mũa wereburire eropa wererã iiaa gũa mũare. Erã basi eropa arĩ pepirãpũ erã pepiriguere ñerã, guyaricũrã árĩquererã ta masa erã ĩhuro dihtare ðarã iro dopa iirima. Eropirã mũa guare mucubiriboro dopa, “Õaro iirã iima,” gajirãre mũa guare arĩ cãhmotaburire i árĩpehrerire mũare were gojarã iiaa.

<sup>13</sup> ¿Gũa ðpa arĩ wererã pee masibirã ãhriri gũa mũa ĩacũ? Masa guare ĩarã pee masibirã iro dopa ĩhama guare. Goãmũ yare gũa werecũ ĩarã eropa ĩabocoma guare. Erã eropa arĩ ĩabonirã árĩquererã ta pee masirã ta ãhraa gũa mũare eropa itamumorã.

<sup>14</sup> Cristo ĩgu guare mahicũ ĩarã masare eropa itamua. Īgu eropa mahicũ ĩarã ĩgu yare eropa buheniguia gũa. Marire mahigu yujugu ta Cristo mari árĩpehrerã ya ñeri dipuwajare sĩridi

árĩmi. Eropigũ árĩpehrerã mari ñeri dipuwajare sĩrimorã árĩnirãre sĩribasadi árĩmi. Irire guñarã ĩgũ yare iiniguia gũa.

15 Árĩpehrerã mari ñeri dipuwajare sĩridi árĩmi ĩgũ mari gamero dopa mari iibiriboro dopa. Eropigũ ĩgũ gameripũre iidoregũ sĩridigũ árĩmi ĩgũ. Maripũre Goãmũ pohrogue mari ejaborore eropa sĩridi árĩmi. ĩgũpũ mari ya árĩburire sĩrira pũhrũ masa mũriadi árĩmi. Eropirã mari gamero dopa mari ƚaribejarire iibirã ĩgũ yare ĩiro gahmea pare marire.

16 Eropirã dohpaguere Jesure gamebirã gajirã erã árĩricũre ĩha werewũaro dopa ne arĩ ĩabeaa gũa. Iribojegue gũa Cristore eropa ĩaquererã dohpaguere ĩgũre õaro masia.

17 Eropirã árĩpehrerã Cristo yarã warã õaripũre gohrotoa mari. Iribojegue mari gamero mari árĩrare duhucãa mari. Dohpaguepũre õaripũre corerã iiaa mari.

18 Goãmũpũ marire õarire gohrotocũ iimi. Iribojegue mari Goãmũ mera õaro árĩbirimũrĩribũ. Eropigũ Jesucristo mari ñeri iira dipuwaja sĩribasara mera Goãmũ marire ĩgũ mera õaro árĩcũ iidi árĩmi. Eropa iigũ gũare ĩgũ yare buhedoregũ apimi. Eropa buherã, gajirãre Goãmũ mera erã õaro árĩcũ iiaa gũa sã.

19 Őpa arĩ masare weredoremi Goãmũ gũare: “Mari masa ĩgũ mera õaro árĩbirinirã árĩquerecũ Goãmũ Cristo sĩrira mera marire ĩgũ mera õaro árĩcũ iimi. Eropigũ Cristore mari umupeocũ ĩagũ mari ñeri dipuwajare dipuwaja moabeami Goãmũ marire,” arĩ weredoremi



Goãmũ guare.

<sup>20</sup> Eropirã Cristo yare weremorã ïgũ obeonirã ãhraa gũa. Goãmũ ïgũ basi mũare ïgũ werebodiropã dopa ta guapũ mũare õpa arĩ werea: Cristore werebasarã iiaa. Eropirã mũare werea. Goãmũre mũa ïhaturirare iripẽta duhuque.

<sup>21</sup> Cristo ïgũ ñerire iibiriquerecũ ta Goãmũ ïgũre mari ñeri dipuwajare sãridoredi árĩmi. Eropã iigũ mari ñeri dipuwajare dipuwaja moadi árĩmi Goãmi ñeri dipuwajare dipuwaja moabemi Goãmũ marire,” arĩũ Jesucristore. ïgũ eropa iidi árĩmi Cristo yarã mari wacũ, Goãmũ iro dopa õarã mari árĩboro dopa.

## 6

<sup>1</sup> Goãmũ eropa iigũ ïgũ mũare ïgũ õaro momomoro ïarare ïhmumi. Eropirã Goãmũ yare mohmebasarã árĩrã ire turaro mũare iidorea gũa. Goãmũ õaro iirare õari buherire mũa peediro dopa ta iique mũa. Mũa peediro dopa ta mũa iibiricũ mũa peera duhpiburi árĩbeaa.

<sup>2</sup> Õpa arĩmi Goãmũ ïgũ yare erã gojarapũgue: beami Goãmũ marire,” arĩ Mũare yũ õaro iiburinũri árĩcũ mũa serẽre pee yũhriũra. Eropigũ mũare peamegue wabonirãre yũ tauburinũri árĩcũ itamugũra, arĩmi ïgũ.

Peeque mũa. Dohpaguere Goãmũ masare ïgũ õaro iiburinũri ãhraa. Dohpaguere masa Jesucristore umupeoburinũri ãhraa Goãmũ erãre tauboro dopa. Eropirã dohpaguere ïgũre umupeoro gahmea, arĩ werea gũa.

<sup>3</sup> “¿Ōari buheripure gamebiribocuri?” arĩrã, ne merogã gajirãre ñero iibea gũa. Gajirãre ne ñero arĩ wereniguibea.

<sup>4</sup> Irire iibirã Goãmũ pohro majarã gũa árĩrire mũare masicũ iidiaa. Eropirã ãgũ yare buherã õpa ãhraa gũa: Ñero tarirã gajino moorã bocãtua. Gũare erã ñero iiquerẽcũ ta guaro mariro ãhraa.

<sup>5</sup> Ōpa ñero taribũ gũa: Masa gũare pacũ, peresu erã iicũ, masa bajarã gũare wejẽdiarã erã gaguiniguicũ peerã ñero taribũ gũa. Gũa turaro mohme oẽarã sã, wũja pũriquerẽcũ ta carĩbirã sã, oaboarã sã ñero taribũ.

<sup>6</sup> Eropirã õaro árĩricuri mera diaye buhebũ. Eropirã Goãmũ yare buherã õaro masiri mera buhebũ mũare. Eropirã ne guabiribũ gũa. Eropirã õaro mera buhebũ gũa mũare. Eropa iirã Goãmũ pohro majarã gũa árĩrire ãhmurã iibũ gũa mũare. Espĩritu Santo ãgũ itamuri mera eropa ta Goãmũ pohro majarã gũa árĩrire ãhmurã iibũ gũa mũare. Eropirã diaye mũare gũa mahicũ ãarã ãgũ pohro majarã gũa árĩrire masia mũa.

<sup>7</sup> Eropirã õari buherire diaye mũare werẽcũ ãarã, Goãmũ turari mera gũa iicũ ãarã, ãgũ pohro majarã gũa árĩrire masia mũa. Ōaripũ árĩpehreri gũa iira gũa mojo iro dopa ãhraa gũa õaro cãhmotaboro dopa. Iri õarire iirã gũa watĩre cãhmotarã iiaa. Eropirã iri õari gũa iira mera gũa ãgũre tarinũgaa.

<sup>8</sup> Eropa iirã gajirã gũare umupeoma. Gajirãpũ gũare umupeobeama. Gajirã õaro wereniguima gũare. Gajirãpũ ñero arĩ wereniguima gũare.

Diaye gua werequerecũ ta “Gũyarã ãhrima,” arĩ weresãma gajirã gũare.

<sup>9</sup> Gajinũrire gũare masirã dopa iima. Gajinũrire gũare masibirã dopa iima. Gũare erã wejẽdiaquerecũ ta ojocarinia gua. Erã burigã panirã árĩquererã ta ojocaria gua.

<sup>10</sup> Gua yujuyerinũri bũjawererã árĩquererã ta, eropa mucubirinigua. Mojomorocũrã árĩquererã ta erãre õari buherire buherã erãre wũaro doberire gua obodiro dopa ta iirã iiaa erãre. Gajino moorã árĩquererã ta, diaye ta Goãmũ yare opapehocãa gua.

<sup>11</sup> Corinto majarã, yũ acawererã, mũare õaro mera werepeho gojabũ gua mũare. Mũare turaro mahirã eropa werebũ.

<sup>12</sup> Gũarũ mũare mahi duhubirabũ. Mũarũ gũare mahibiriñaria.

<sup>13</sup> Eropigũ yũ porãre yũ werebodiro dopa ta mũare weregura: Mũare gua pepidiro dopa ta mũa sã eropa ta õaro pepique gũare. Eropirã gũare mahique mũa.

*Cristore umupeobirãre wapicũdorebiriñumi Pablo*

<sup>14</sup> Eropirã Cristore umupeobirã mera eropa wapicũniguibiricãque. Erã mera majagũ árĩbita. Yujuro mera árĩbeaa mũa. Õarire iigũ, ñerire iigũ mera õaro árĩmasibeami. Boyoro iro dopa árĩrã Goãmũre gamerã ãhrima. Naitĩaro iro dopa árĩrã Goãmũre gamebirã ãhrima. Eropirã erã perã game wapicũmasibeama.

15 Eropigũ Cristo watĩ mera yujuro pepibeami. Eropigũ Cristo yagũ, Cristore umupeobigũ mera õaro game wapicũmasibeami.

16 Goãmure umupeori wihigue goãmarã wéanirãre mari apicũ queoro wabeaa. Eropa ta Cristo yarã Cristore gamebirã mera wapicũniguicũ queoro wabeaa. Erã pe curu majarã yujuro mera erã árĩmasibeama. Goãmũ wihi iro dopa ãhraa mari. Īgũ wihi árĩro dopa ta mari mera ãhrimi ĩgũ. Őpa arĩñumi Goãmũ ĩgũ yare erã gojarapũgue:

Erã mera ta árĩgũra yũhũ. Eropigũ erã watope ta eropa árĩniguigũra. Yũhũ Goãmũ erã opũ árĩgũra. Eropirã erãpũ yaharã masa árĩrãcoma, arĩñumi ĩgũ.

17 Eropigũ õpa arĩnemoñumi ĩgũ mari Opũ: Erã ñerã mera ne dujabita. Eropirã erãre wapicũbita. Yũre gamebirã yare ñerire ne iibiricãque. Eropigũ yũpũ mũare wapicũgũra.

18 Eropigũ mũa pagũ árĩgũra. Mũapũ yũ porã árĩrãca, arĩñumi mari Opũ turatariagũ.

## 7

1 Yũ acawererã, yũ mahirã, mũare ire weregũra: I árĩpehrerire Goãmũ marire ĩgũ eropa arĩ wrecũ ñarã árĩpehrerire mari dũpũre goroweorire duhurã. Eropirã mari pepiri sãre goroweorire duhurã. Eropirã Goãmure õaro umupeori mera ñero iiro mariro árĩrã mari.

*Pablo mucubiriri mera wereñumi Corinto majarãre*

2 Õaro guare mahique. Ne merogã mera ñero iibiribũ gua mware. Eropirã gua buheri mera mware ñero iicũ ne iibiribũ gua. Ne yujugure mwa mera majagure gũyari mera waja gamebiribũ.

3 Eropa arĩgu “Dipuwajacurã ãhraa mwa,” arĩgu iibea mware. Mware mahia gua. Irire mware weretuhabũ. Ojocarirã yuju curu ta ãhraa mari. Mari sĩrira pũhrugue sãre yuju curu ta arĩrãca mari.

4 Õaro mwa iirare masia yũhũ. Eropigu mware guñabeogu mucubiria. Eropirã gua ñero taririsubure mwa ãaro iira quererere pee bũrigã mucubiribũ yũhũ.

5 Eropi Macedonia yebague gua ejara pũhrũ, erogue ejarã ne soobiribũ gua. Eroguere ñero taribũ gua. Gajirã gua mera game dũyasoma. Eropirã “Cristo yare duhubocoma,” arĩrã Cristo yarãpũre wũaro guñaricũbũ gua.

6 Gua eropa ñero taricũ Goãmũpũ guare ãaro sĩporãcũcũ iimi. Ĩgu marire bũjawererãre mucubiricũ iigu ãhrimi. Eropigu Tito gua pohrogue ĩgu dujariro mera guare mucubiricũ iimi Goãmũ.

7 Tito ĩgu eracũ ĩarã mucubiribũ. Iri dihtare mucubiriribũ. Mware ĩgu ãari quere werecũ sãre turaro mucubiribũ. Yũre mwa ĩadiarare weremi guare. Yũre mwa bũjawerera sãre weremi ĩgu. Yũre “Goãmũ yare iigu iimi Pablo,” mwa gajirãre arĩ werera sãre weremi ĩgu. Ĩgu eropa arĩcũ peegu turaro mucubiribũ yũhũ.

8 Ero core yũhũ mwa ñero iirare were gojabeorapũ mera mware merogã bũjawerecũ iiribũ.

Eropa iidigu árĩqueregu ta “Iri carta mera ñero iibũ,” arĩbeaa. Iripũre mua buhera pũhrũ bũjawereyoro mua. Eropigu ne gojabeora pũhrũ ta “¿Ñero iiari yũhũ?” arĩ pepiribũ. Eropa arĩqueregu ta “Ñero iibũ,” arĩbeaa dohpaguere.

<sup>9</sup> Dohpague tamerare mucubiria yũhũ. Mua bũjawererare peegu mucubiribea. Mua bũjawererã õaripũre gohrotorapũre peegu mucubiria yũhũ. Mua ñero iirare bũjawerecũ ïagu Goãmũpũ mũare õarire gohrotocũ iidi árĩmi. Eropirã mũare bũjawerecũ iirã ñero ii goroweorã iibiribũ guã mũare.

<sup>10</sup> Eropirã Goãmũ ïgu gamero dopa ta bũjawererã, mari ñerire bũjawere õaripũre gohrotorãca. Eropa ta mari bũjawerecũ ïagu mari peamegue wabonirãre taumi Goãmũ. Eropiro mari eropa bũjawerecũ õha ãhraa marire. Cristore gamebirãpũ erã bũjawerequererã erã ñerire duhubirã peamegue wamorã árĩnima.

<sup>11</sup> Mũapũ Goãmũ ïgu gamero dopa ta bũjawereayoro. Mua eropa bũjawererã õpa iirã waĩcũabũ mua: Dohpague ñerire iirãre eropa ïacãbirã waĩcũabũ mua. Ne iri ñerire gamebirigohracãyoro mua. Erã ñeri iira mera guayoro. Erãre ñerire iirire duhudorerã waĩcũabũ mua. Eropirã erã ñerire gũirã waĩcũabũ mua erã iro dopa iiri arĩrã. Eropirã yũre mahirã yũre ïadiayoro mua. Eropirã ñeri ïigũre dipuwaja moayoro. Iri árĩpehrerire mua iira mera iri ñeri dipuwaja marirã mua árĩrĩre ïhmuabũ mua guare.

<sup>12</sup> Iribojegue ñero iigure mware were gojabeo-  
queregu ta igure itamubu eropa arĩ gojabeo-  
biribu yũhũ. Igũ ñero iidigu sãre itamubu eropa  
arĩ gojabeobiribu. Mwarũre itamubu iripũre  
gojabeobũ. Goãmũ igũ ihurore gware ãaro  
umupeoa mwa. Irire mwa umupeorare mwa ãaro  
gunãboro dopa iripũre gojabeobũ mware.

<sup>13</sup> Eropirã Tito mwa iira quere gware werecũ  
peerã burigã mucubiria gwa.

Tito sã mwa mera turaro mucubiricũ iha gwa  
sã mucubiribu. Igure mwa ãaro mera bocatĩricũ  
peerã, mwa mera igũ mucubirirare peerã, gwa sã  
ãaro mucubiribu.

<sup>14</sup> Negohraguere mwa pohro igũ waboro corere  
mwa mera yũ mucubirirare, ãarã mwa árĩrare  
werebu igure. Eropirã yũ arĩdiro dopa ta ãaro  
iiayoro mwa igure. Eropigu igure yũ arĩrare  
guhysĩribirabu. Titore mware gwa werera diaye  
ta árĩbu dohpaguere igũ iadiro dopa ta.

<sup>15</sup> Mwa pohrogue igũ ejacũ umupeiuri mera  
bocatĩriayoro mwa. Eropirã ghyadiaro mera  
ĩarã tarinũgaro mariro mwa yũhrirã árĩcũ ĩapũ  
igũ. Eropigu mware mahinemogu iimi igũ.

<sup>16</sup> Dohpaguere ãaro yũhrirã Goãmũ igũ  
gamero dopa ta mwa ãaro mwa iipehorã árĩcũ  
ãaro masia yũhũ. Eropã masigu burigã mucu-  
biria.

## 8

*Cristo yarã árĩrã gajirãre eropa ocãro gahmea  
marire, arĩ gojañumi Pablo*

<sup>1</sup> Gwa acawererã, ire mũare masicũ gahmea gwa. Cristo yarã Macedonia yeba majarã Goãmu mahiri mera ĩgu mojomoro ĩari mera erã iirare mũare weregura.

<sup>2</sup> Erã ñero tariquererã ta, niyeru moorã árĩquererã ta mahiro mariro eropa ocãma gajirãre. Cristo mera turaro mucubirirã árĩrã, erã gajirãre õaro mera erã oparire eropa ocãma.

<sup>3</sup> Mũare arĩgu iiaa. Erã erã oparopẽ orã, tauñariro oma. Erã gamero oma erã.

<sup>4</sup> Goãmu yarãre mojomorocurãre turaro itamudiarã, erãre erã obeerire aĩdorema guare.

<sup>5</sup> “Ipẽ orãcoma erã,” arĩ gwa pepidiro tauro oma erã. Õpa iima erã: Negohraguere niyerure erã oboro core mari Opũ ĩgu gamerire iidiarã árĩtuhama. Eropirã Goãmu ĩgu gamero dopa ta gwa sãre umupeori mera yuhrinirã árĩma. Eropa iirã árĩrã erã niyeru sãre oma.

<sup>6</sup> Erã eropa ocũ ĩarã Titore guapũ õpa arĩbu: “Erãre mũ buhenugadiro dopa ta Corinto majarã sãre erã mojomorocurãre oburire wereque,” arĩbu gwa ĩgure. Mũa sã gajirãre mojomoro ĩarã mũa itamuboro dopa eropa arĩbu ĩgure.

<sup>7</sup> Eropirã mũapũ árĩpehrerire õaro iirã árĩtuhaa. Cristore diaye ta õaro umupeoa mũa. Eropirã ĩgu yare õaro werea. Eropirã Goãmu yare õaro masia mũa. Eropirã Goãmu ĩgu gamero dopa ta turaro iidiaa. Eropirã guare mahia mũa. Eropa ta õaro iirã árĩtuhaa mũa. Mũa eropa õaro iirã árĩquerecũ ta merogã duhyania mũa iipehoburi. Mojomorocurã tam-erare mũa mojomoro ĩacũ gahmea gwa. Eropirã erãre mũa õaro mera wũaro ocũ gahmea gwa.



<sup>8</sup> Eropa arĩgu mũare doregohragu iibeaa yũũ. Eropa arĩ weregũ iiaa mũare. Gajirã mojomorocũrãre erã turaro itamuraje mũare weregũ iiaa. ¿Mũa diaye ta gajirãre mojomoro ĩhari? arĩ masidiagu iiaa.

<sup>9</sup> Mari Opũ Jesucristopũ marire ĩgu mojomoro ĩarare masia mũa. Iri diaye ta ãhraa. ĩgu ãmaroguere wũaro opagu arĩqueregu ta i yeba-guere arigu mojomorocũro warũ. Eropigu mũa ya arĩburire sĩrigũ sã mojomorocũro warũ. Őpa ta warũ mũarũ mũa wũaro opaboro dopa, ĩgu mera mũa ðaro arĩniguicãborore.

<sup>10</sup> Mũaare weregũ iiaa. Őpa peria yurũ: Yuju bojori wahaa mũa mojomorocũrãre odiara pũhũ. Mũarũ mojomorocũrãre odiamũhtaribũ. Eropirã erãre omũhtabonirã arĩbũ mũa.

<sup>11</sup> Eropirã mũa odiarare dohpaguere oho ojo-gorocũque. Mũa odiamũhtadiro dopa ta dohpaguere ðaro opehoque. Eropirã pagari oparã arĩrã wũaro oque. Merogã oparã arĩrã merogã oque.

<sup>12</sup> Bũrigã mũa odiari mera irire mũa orare Goãmũ mucubirigũcumi. Eropirã ðaro mũa omasiropẽ oque. Mũa oropẽ ta mucubirigũcumi. Mũa opabirirare mũa ocũ gamebeami ĩgu.

<sup>13</sup> “Mojomorocũrãre oque,” arĩgu erãre wũaro opadoregu iibeaa. Eropigu mũarũre mojomorocũrã dujacũ iidiabeaa.

<sup>14</sup> Mũaare yujuro mera opadoregu eropa arĩgu iiaa. Dohpaguere mũarũ wũaro opaa. Eropa oparã gajinore moorãre omasia mũa. Pũhũ mũare gajino moocũ erã sã mũare

omasima. Mũa eropa game orã yujuropa oparãca árĩpehrerã Cristo yarã.

<sup>15</sup> Eropa ta ãhraa Goãmũ yare erã gojarapũ: “Wũaro aĩgũ sã gajigũ tauro opabeami. Merogã aĩgũ sãre ne merogã dũhyabeaa,” arãa Goãmũ yare erã gojarapũ.

*Tito ĩgũ mera majarã mera Corintogue wañumi*

<sup>16</sup> Eropi mũare yũ itamudiro dopa ta Tito sã mũare itamudiami. Goãmũpũ ĩgũ itamudiacũ iimi ĩgũre. ĩgũ eropa iicũ ĩagũ “Õhaa,” arãa Goãmũre.

<sup>17</sup> Titore gũa mũa pohrogue wadorecũ ĩgũ õaro mera yũhriami. Eropigũ ĩgũre mũa pohrogue gũa wadoreboro coregue ta mũa pohroguere “Wagũra,” arĩ guñatuhadi ãhrami ĩgũ.

<sup>18</sup> ĩgũ gajigũ Jesu yagũ mera wapimoa obeobũ gũa. Tito mera majagũ árĩpehrerã gajirã Jesu yarã erã umupeogu ãhrimi. Õari buherire õaro ĩgũ mohmegũ árĩcũ ĩarã ĩgũre õaro umupeoma.

<sup>19</sup> Eropirã Jesu yarã ĩgũre ta gahmeama gũa mera curibure. Iri niyeruremojomorocũrã pohrogue gũa aĩcũ gũa mera curibure gahmeama ĩgũre. Iri niyerure mũa gameneorare gũamojomorocũrãre orã wacũ ĩarãmojomorocũrãpũ “Marire mari Opũ itamugũ iimi,” arĩrãcoma. Gũa eropa ocũ, erãre bũrigã mari itamudiarare masirãcoma.

<sup>20</sup> Eropirã i niyerure wũaro Jesu yarã erã odorerare gũa aĩrã õaro ĩhadiburãca erã orare gũare weresãri arĩrã.

21 Mari Opu İgu İhabeoro diaye ðaro iidiaa gua. Eropirã masa erã İhuro sãre ðaro iidiaa.

22 Eropa iimorã gajigure mari acaweregure obeorãca Tito sã mera. Gua İgu mera obeogure bajasuburi gajirãre İgu ðaro itamucũ İabu gua. Eropigu dohpaguere muapu gajirãre mua itamudiacũ İagu ero core İgu iidiro tauro ðaro muare itamudiami.

23 Tito sãre muare weregura. İgu yu mera majagu ahrimi. Muare yu itamucũ İgu yu mera mohmegu ahrimi. Gajirã İgu mera wamorã Jesu yarã erã beyenirã erã obeorã ahrima. Erã Cristo yare iima gajirã Cristore erã umupeoboro dopa.

24 Erã eropa arĩrãre mahiri mera ðaro erãre bocatĩrique mua. Mua eropa iicũ İarã gajirã Jesu yarãpu ðarã mua arĩricurire masirãcoma. Mari obeonirãre “Õaro mera bocatĩrirãcoma Corinto majarã,” arĩ weretuhabu gua mera majarãre. Mua eropa ðaro bocatĩricũ İarã gua werera diaye arĩcũ İha masirãcoma gajirã Jesu yarã.

## 9

*Jesu yarãre mojomorocurãre erã oburire wereñumi Pablo*

1 Eropirã Goãmı yarãre mua itamuborore mua oburire masituhaa mua.

2 Gajirãre mua itamudiarire masia yu sã. Eropa masigu Macedonia majarãre ðpa arĩ werebu: “Corinto majarã Jesu yarãpu gajirãre itamudiatuhama. Yuju bojori taria erã itamudidiro,” arĩ weretuhabu erãre muare. Mua eropa itamudiacũ peerã bajarã erã sã mojomorocurãre itamudiana.

<sup>3</sup> Mũa mojomorocurãre oborare gajirãre werequeregũ “Iri niyerure gameneobiribocoma yũ ejaboro core,” arĩ pepia mũare. Eropigũ dohpaguere oãre mari acawererãre mũa pohrogue obeomũhtagũ iiaa. Mojomorocurãre mũa oburire gameneo mũa opayuboro dopa oãre obeomũhtagũ iiaa.

<sup>4</sup> Erãre obeobigũ Macedonia yebe majarã mera mũa pohrogue yũ ejagũ, mũa oburire mũa opabiricũ ãagũ gũhyasĩrisãboya yũhũ mũare. “Mojomorocurãre orãcoma,” yũhũ mũare arĩra pũhrũ mũa obiricũ ãagũ gũhyasĩrisãboya yũhũ mũare. Mũa sã gũhyasĩriboya.

<sup>5</sup> Eropigũ mũa pohrogue yũ ejaboro core erãre mari acawererãre obeomũhtagũ iiaa. “Mojomorocurãre wũaro orãca,” mũa arĩrare mũa opayuboro dopa erãre obeomũhtagũ iiaa. Mũa oburire mũa gameneocũ erãpũ mũare wereser-erãcoma. Eropigũ yũpũ eja mũa oburire mũa opayutuhacũ ãha mucubiriri mera mũa odiarare masigũra. Mũare gũa odorera árĩsome iri.

<sup>6</sup> Eropirã ire guñaque mũa: Bajameyerigã otedigũ bajamegã dũcare aĩgũcumi. Bajayeri otedigũ baja dũca Eropigũ mũa pohrogue yũ ejaboro core erãre mari acawererãre obeomũhtagũ iiaa. “Mojomorocurãre wũaro orre aĩgũcumi. Eropa ta ãhraa mojomorocurãre mari ocũ. Merogã mari ocũ, Goãmũ merogã ogũcumi marire. Wũaro mari ocũ wũaro marire ogũcumi.

<sup>7</sup> Eropirã yujurãyeri mũa “Ipẽ ogũra,” arĩ oque. Mahiñari obiricãque. “Marire odore-ama,” arĩro mariro oque. Mucubiriri mera orãre

gahmemi Goãmũ.

<sup>8</sup> Īgũpũ mũa gameri tauro mũare ogũcumi. Eropirã árĩpehrerire mũa gameri dũhyarire opapehorãca. Eropirã gajirãre mũa oburi sã õaro sihajaroca mũa opari.

<sup>9</sup> Eropa ta ãhraa Goãmũ yare erã gojarapũ:

Mojomorocũrãre wũaro ohomi ĩgu. Õaro mera masare itamuniguimi ĩgu, ãhraa ĩgu yare erã gojarapũ.

<sup>10</sup> Eropiro oteri dũcacũra pũhrũ oteri masũ ĩgu oteburi coyere ohomi Goãmũ. Pũhrũ ĩgu oterare dũcacũcũ iimi ĩgu baburire. Mojomorocũrãre mũa wũaro ocũ oteri masũre ĩgu coyere oro dopa ta mũa sãre wũaro ogũcumi Goãmũ. Eropa ta mũare ogũcumi mojomorocũrãre mũa onemoboro dopa.

<sup>11</sup> Eropa ta ãhraa. Wũaro ogũcumi gajirãre wũaro mũa eropa oniguicãboro dopa. Eropirã mũa iri niyerure odorerare gũa ocũ erã ñearãpũ mucubiriri mera Goãmũre “Õhaa,” arĩrãcoma.

<sup>12</sup> Eropirã mojomorocũrãre Goãmũ yarãre orã, erãre itamurã iiaa mũa. I dihtare iibeaa mũa. I sãre iirã iiaa mũa. Mũa eropa orã bajarã masa Goãmũre mucubiriri mera “Õhaa,” arĩcũ iirãca mũa.

<sup>13</sup> Eropa mũa gajirãre itamucũ ĩarã, Goãmũre umupeori mera wereniguirãcoma masa. Eropirã erãre gajirã sãre wũaro mũa ocũ ĩarã Goãmũre “Õatariagu ãhrimi,” arĩrãcoma masa. Eropa arĩrãcoma Cristo ya buherire õari buherire mũa õaro yũhricũ ĩarã.

<sup>14</sup> Eropirã Goãmũ ĩgu mojomoro ĩadiro

dopa ta mũa sã erãre mojomoro ãacũ erãpũ mũare gamerãcoma. Eropã gamerã mũare serẽbasarãcoma Goãmũre.

<sup>15</sup> Goãmũ marire õatariaro iigũcumĩ. Ìgũ eropã iiborore masirã “Õataria,” arãã mari ãgũre.

## 10

### *Jesu ãgũ apidigũ ãgũ árĩre wereñumi Pablo*

<sup>1</sup> Dohpaguere yũhũ Pablo mũare weregũra. Cristopũ ne guabigũ, masare õaro iigũ árĩñumi. Ìgũ iidiro dopa ta yũ sã mũare werediaa õari mera. Yujurãyeri mũa mera majarã õpa arãyoro yũre. “Mari mera árĩgũ eropã pepicãgũ bu árĩgũ iro dopa árĩmi Pablo. Eropã árĩqueregũ ta gajipũgue árĩgũ marire doyarõ mariro turibeomi,” arãyoro mũa yujurãyeri yũre.

<sup>2</sup> Eropigũ mũare ire bũrigã dorea: Mũa pohrogue yũ ejacũ õaro iique mũa, “¿Pablo gũare turiri?” arĩrã. Yujurãyeri yũre õpa arãyoro: “Ìgũ, ãgũ gamero, Goãmũ dorebiri-querẽcũ iimi,” arãyoro mũa yũre yujurãyeri. Eropã arĩrã tamerare turiboca yũhũ.

<sup>3</sup> Gũa sã i yeba majarã ta árĩrã iiaa. Eropã árĩquererã ta i yeba majarã erã gamero iiro dopa ta iibeaa gũa.

<sup>4</sup> Surarã erã tarinũgaro dopa ta gũapũ ñerire tarinũgadiaa. Surarã erã mojo oparo dopa ta gũa sã mojo opaa. Gũa mojo i yeba majarã erã masiri, erã wereniguitarinũgari, erã turari árĩbeaa. Gũa mojo Goãmũ ya turaripũ ãhraa. Iri turari mera masa Goãmũre erã umupeodorebirirare duhucũ

iiaa gua. Eropirã erã gamero erã masirire iri duhpiburi árĩbiricũ masicũ iiaa gua iri turari mera.

<sup>5</sup> Eropirã árĩpehrerã erã gamero pepirare Goãmure erã masidorebirirare duhucũ iiaa gua. Eropirã iri turari mera Goãmure gamebirãre Cristore õaro yãhrirã erã árĩcũ iiaa gua. Cristo ïgu gamero dopa ta erãre pepicũ iiaa gua.

<sup>6</sup> Eropirã gajirã mua mera majarã Cristore tarinugacũ ïarã erãre dipuwaja moamorã árĩrãca gua. Mua õaro yãhrira pãhrũ Cristore tarinugarãpũre eropa dipuwaja moamorã árĩrãca gua.

<sup>7</sup> Yũ árĩricuri dihtare masia mua. Yũ pepiripũre ne masibea mua. “Cristo yarã ãhraa,” arĩrã árĩrã õpa masique mua: Gua sã mua iro dopa ta Cristo yarã ta ãhraa.

<sup>8</sup> “Mari Opũ ya buherire õari buherire buhedoregũ apimi gũare,” arĩgu bajasuburi mũare iri dihtare eropa arĩ werequeregũ ta gũhyasĩribea yũhũ. Gũare eropa buhedoregũ mũare itamumorãre apimi gũare. Mũare goroweomorãre apigu iibirimi gũare.

<sup>9</sup> I yũ gojabeoripũre mua ïha ucacũ gamebeaa yũhũ.

<sup>10</sup> Yujurãyeri mua mera majarã õpa arãyoro: “Pablo gojabeogu pũriro dihta gojabeomi marire. Eropa árĩqueregũ ta mari mera árĩgu eropa árĩcãgũ ãhrimi. Bu árĩgu iro dopa ãhrimi. Eropiro ïgu marire wereniguri duhpiburi árĩbeaa,” arãyoro mua yujurãyeri.

<sup>11</sup> Eropa arĩrãre õpa arĩ weregũra: Mua arĩdiro dopa ta iibea gua. Mũare gua arĩ

gojabeodiro dopa ta eropa ta arĩ wererãca mũa pohro árĩrã. Eropirã “Õpa iirãca,” gũa arĩ gojabeodiro dopa ta eropa ta iirãca mũa pohro árĩrã sã.

12 Yujurãyeri mũa mera majarã “Õaro masipehorã ãhraa gũa,” arĩ wereniguimaacãma erã basi. Erã game iha bocatĩrirã “Maripu õatariarã ãhraa,” arĩma erã. Eropa arĩmaacãrã “¿Gajirã õarã iro dopa ãhriri mari?” arĩbeama erã basi. Gũapũ erã iro dopa iisome.

13 Goãmũ gũare iũ buhedore iũ apira dihtare werea gũapũ mũare. Gajirã erã mohmerare “Iibũ gũapũ,” arĩrã iibeaa. Goãmũ mũa sãre buhedoregũ gũare apimi.

14 Eroparĩrã gũyarã iibeaa gũa. Õari buherire Cristo yare mũare buhemũhtarã ta ejabũ gũa. Eropirã Goãmũ gũare buhedore iũ apira dihtare wererã iiaa mũare.

15 Eropirã gajirã mũare itamucũ iha “Gũapũ irire iibũ,” ne arĩbeaa gũa. Cristore mũa umupeonemocũ iiburipũre gahmea gũa. Eropa gamerã mũare buhenemodiaa gũa. Eropa gũa buherã Goãmũ iũ apirañe pẽta buhediaa gũa mũare.

16 Eropa buhediaa mũa ya yeba core majarãre õari buherire peebirãre õari buherire wererã waboro dopa. Eropa warã gajirã erã buhera pũhrũ ejarã, “Gũapũ erãre buhemũtabũ,” arĩsome gũa.

17 Goãmũ yare gojarapũgue õpa ãhraa: “Mari iirire ãarã mucubiribiricãro gahmea. Mari Opũ iũ iiripũre ãarã mucubiriro gahmea. Iripũre gajirãre werero gahmea,” arĩ gojara ãhraa.



18 Masa erã basi “G̃uap̃u iiab̃u,” erã arĩcũ ãha mucubiribeami Goãm̃u. Mari Op̃u Cristo Goãm̃ure “Oã õaro iima,” ãgu arĩrãp̃ure s̃uami Goãm̃u.

## 11

*“Jesu ãgu apinirã ãhraa g̃ua,” arĩ g̃uyarãre wereñumi Pablo*

<sup>1</sup> Ỹu basi ỹu árĩric̃urire wereg̃u pee masibigu iro dopa wereg̃u iiaa, arĩ pepia. Ỹu árĩric̃urire m̃uare wereg̃u g̃uhyasĩriñaria. Ỹu eropa arĩ werecũ peenique m̃ua ỹure dohpaguere.

<sup>2</sup> Goãm̃u m̃uare ãgu mahiro dopa ta turaro mahia ỹu sã m̃uare. Nómeo gajigu um̃u mera igo ñero iibigo igo yujugure ta gamedigo iro dopa m̃ua Cristo dihtare gamecũ gamerab̃u ỹuh̃u m̃uare.

<sup>3</sup> Erop̃a gamequereg̃u “Erã Cristo yare cóãbocoma,” arĩ guñaric̃ua m̃uare. Gajirã ñerã m̃uare g̃uyarã, gajiropa arĩri buherire gamecũ iibocoma m̃uare. Pĩru ãgu masiri mera Evare g̃uyacũ igo Goãm̃ure tarinugañumo iribojeguerẽ. ãgu eropa iidiro dopa ta dohpaguere ñerã m̃uare g̃uyarã, Cristore m̃ua õaro umupeorire goroweobocoma. Eropigu m̃uare g̃uisãa.

<sup>4</sup> Erã g̃ua m̃uare buhediro dopa ta buhebiriquerecũ m̃ua peeraa. Eropirã erã “Õpa árĩdi árĩmi Jesu,” erã gamero gajiropa arĩ werequerecũ ta peea m̃ua. Watĩ ãgu pepiro dopa arĩ erã werequerecũ ta peea m̃ua. M̃uare g̃ua wereg̃u Espĩritu Santo gohra ãhrimi. ãg̃up̃ure erã werebiriquerecũ ta m̃uare g̃uya buherãre peea m̃ua. Erã gajiropa arĩri buherire erã

buhecũ òari buherire erã buhebiriqerecũ ta irire peea mũa.

<sup>5</sup> Erã “Jesu ìgũ apinirã ãhraa,” arĩnirã yũre masitarinũgabeama. “Erãre doca merebeaa,” arĩ pepia yũhũ.

<sup>6</sup> Òaro weretarinũgagũ árĩbiriboca yũhũ. Òaro weretarinũgabiriqueregũ Goãmũ yare òaro masia. Yũ eropa masirire bajasuburi mũare masicũ iibũ.

<sup>7</sup> Òari buherire Goãmũ yare mũare buhegũ ne waja gamebiribũ. Mũare itamudiagũ waja gamebiribũ. Bu árĩgũ iro dopa árĩbũ yũhũ. ¿Yũ eropa waja gamebiricũ òabeari mũa pepicũ?

<sup>8</sup> Mũare yũ buhecũ gaji macari majarã Jesu yarã yũre itamuma. Erã eropa orare ñeabũ mũare itamubu. Mũa yũre oborare erãpũ yũre oma.

<sup>9</sup> Mũa mera árĩgũ gajino yũre dũhyaquerecũ ta mũare niyerure ne serẽbiribũ. Mari acawererã Macedonia yeba majarã Jesu yarã árĩpehrerã yũ gamerare aĩ erama yũre. Iribojeguere mũare ne garibobiribũ yũhũ. Pũhrũgue sãre mũare ne garibosome.

<sup>10</sup> Cristo diaye ìgũ werediro dopa ta yũ sã mũare dohpaguere diaye weregũ iiaa. Árĩpehrero Acaya yeba árĩrãre i mũare yũ serẽbirirare eropa wereniguigũra.

<sup>11</sup> ¿Mũare yũ serẽbirirare gajirãre yũ eropa wereniguicũ peerã dohpã pepiri mũa? “Pablo gũare eropa arĩ weregũ gũare umupeobigũ iimi,” ¿arĩ pepiri mũa? Árĩbeaa. Mũare umupeoa. Goãmũ irire masimi.

12 Waja mariro yu mũare buhenugadiro dopa ta buhe ojogorocugura. “Jesu ĩgu apinirã ãhraa,” arĩ gũyanirãre yũre tarinugacũ iibiriboro dopa waja mariro buheniguigura. Erãpũ “Gũa sã Pablo iro dopa Jesu yare buherã ãhraa,” arĩma. Eropã áríbeama. Yũpũ waja mariro buhea. Erãpũ waja gamerã buhema.

13 Erã diaye ta Jesu ĩgu apinirã gohra áríbeama. Erãre ne apibiriĩnumi ĩgu. “Jesu ĩgu apinirã ãhraa,” arĩ gũyarã gũa iro dopa árírima erã.

14 Erã eropa iicũ ĩagu ĩhamariabeaa yũhũ. Satana sã anyu Goãmũ yagu õagu iro dopa dehyoacumi masare.

15 Eropigu erã Satanare itamurã õarã Goãmũre itamurã iro dopa erã iicũ ĩagu, ĩhamaria wabeaa yũhũ. Dohpaguere erã eropa iiquerecũ ta pehrerinũ árĩcũ árĩpehreri erã ñero iira dipuwaja dipuwaja moagucumi Goãmũ erãre.

### *Ĩgu ñero tarirare wereñumi Pablo*

16 Dipaturi mũare ire weregura. Ne “Pee masibigu ãhrimi,” yũre arĩbircãque. Yũ eropa arĩdorebiquerecũ ta yũre mũa eropa arĩ pepicũ õaroca yũre. “Pee masibigu ãhrimi,” arĩ yũre pepiquererã ta peenique mũa yũre. Merogã yũ árĩricũrire yũ basi werecũ peenique mũa.

17 Mũare eropa weregu gũhyasĩriñaria yũhũ. Pee masibigu iro dopa ĩgu iiaa, arĩ pepia. Mari Opũ Jesu yũre irire “Eropa wereque,” arĩbirimi.

18 ĩgu eropa arĩbiquerecũ ta ire weregura mũare. Erã gamero “Õarã ãhraa,” arĩmaacãrã

erã árĩcũ ïagu yu sã yu árĩricurire mũare weregura.

19 Mũarũ eropa arĩmaacãrãre peerã mucu-biriri mera ïhaa mũa erãre. ¿Ōaro masirã ãhriri mũarũ eropa peerã?

20 Mũare erã pohro majarã moacũ, mũa yare erã emacũ eropa ïacãa mũa. Eropirã mũare erã docapicũ mũa wayuporãre erã pacũ eropa pepicãa mũa.

21 ¿Ōapũricãri mũare erã eropiicũ? Cue, ¿turatariarã ãhriri erã? Gũarũ erã iro dopa turarã árĩbeaa. Eropirã erã iro dopa ñerire iibeaa.

Erã iro dopa árĩbiriqeregu ta erã “Ōpa árĩrã ãhraa,” erã arĩcũ peegu yu sã eropa arĩ were-boca. Dipaturi gũhyasĩriqeregu ta ōpa arĩgura mũare.

22 Erã “Hebreo masa ãhraa,” arĩma gajirãre tarinũgadiarã. Hebreo masu ta ãhraa yu sã. “Israe masa mari Pagu ïgu beyenirã ãhraa,” arĩma daja erã. Erã iro dopa ta ïgu beyedigũ ta ãhraa yu sã. “Abrahã pãramerã ãhraa,” arĩma daja erã gajirãre tarinũgadiarã. Erã iro dopa ta Abrahã pãrami ta ãhraa yu sã.

23 “Cristo yare itamurã ãhraa,” arĩma daja erã. Yu sã Cristo yare itamugu ta ãhraa. Erã tauro Cristo yare ōaro iiaa yũũ. Eropa yu basi arĩ wereniguigu gũhyasĩriñaria yũũ. Pee masibigu iro dopa wereniguigu iiaa, arĩ pepia yu basi. Erã tauro mohmebu yũũ Cristo yare iigu. Bajasuburi erã tauro Cristo yagu yu árĩri dipuwaja peresu iima yũre gajirã. Erã tauro bajasuburi tãrama masa yũre. Erã tauro Cristo

yare yu iira dipuwaja masa yure wejēdiarima. Eropigu merogã mera taribu yu sīribodirore.

<sup>24</sup> Cinco suburi judio masa yure ñeama. Yure erã ñeari nucu suburi treinta y nueve suburi yure tãrama.

<sup>25</sup> Ëhresubu gajirã yure ñeama. Eropa ñearã erã tamera yure ñero yucugu mera pama. Gajisubu yure gajirã utã mera deama. Ëhresubu dohodiru mera utãyegue mehtuhaja miribu. Eropigu yujunu, yuju ñami taboamiji wecague wuariya decoguere baa payabu.

<sup>26</sup> Bajasuburi macariguere buhe curigu ejabu. Yu eropa buhe curicũ guhyatariacãbu yure. Yure mirimaja guhya árību. Yure yajamaja guhya árĩma. Yaha yeba majarã judio masa, judio masa áribirã sã yure ñero iimaja guhya árĩma. Macarigue, masa marirogue, wuariyague sãre yure sīrimaja guhya árību. “Mu mera majarã ãhraa,” arĩ guyarã sã yure ñero iimaja guhya árĩma.

<sup>27</sup> Cristo yare iibu burigã mohmebu. Eropa mohmegu ñero wabu. Bajasuburi wuja yure ñero pūriquerẽcũ ta eropa mohmeniguicãmuribu. Ñero oaboamuribu. Eropiro yure ñemesibumuribu. Bajasuburi barire bocabirimuribu. Yuhu yusaro sãre pepimuribu. Suhri sañaburi sã ne marimuribu yure.

<sup>28</sup> Eropa ñero tarigu ta umuri nucu gajirã Cristo yarãre, mua sãre burigã guña.

<sup>29</sup> Eropigu Cristo yagu igu turabiricũ ñagu bujawerea yuhu. Gajirã Cristo yagure ñero iidorebocoma. Erã eropa iicũ ñagu Cristo yagure

guhyaſirisãgu, erã ñero iidorerã mera guaa yuhũ.

<sup>30</sup> Werediabiriqueregu ta yũ árĩricũre weregũ, yuhũ turabigu yũ árĩre mũa masiboro dopa mũare weregũra.

<sup>31</sup> Goãmũ mari Opũ Jesu Pagũ mũmũri nũcũ mari umupeobu ãgu ta mũare yũ gũyabiricũ masimi. Ire mũare diaye weregũra.

<sup>32</sup> Damasco waĩcũri macague yuhũ Jesu-cristo yare buhecã ãagu árĩpehrerã masa tauro opũ Areta waĩcũgu ãgu doca árĩgu opũ yũre ñeadiaripũ. Eropa ñeadiagu iri maca maja sãriro disiporori nũcũ surarare coredoreripũ.

<sup>33</sup> Erã eropa corero watope ta yũ mera majarã wũari puibugue yũre duhusã iri sãriro pũrũpũgue yuju gobegue yũre duhu dijuma. Erã eropa duhu dijura pũhrũ duhrigã wabũ.

## 12

### *Cristo ãgũre ãhmurare wereñumi Pablo*

<sup>1</sup> Yũ árĩricũre mucubiriri mera yũ werecũ duhpiburi árĩbeaa. Duhpiburi árĩbiriquerecũ ta werenemogũra mũare. Mari Opũ Jesu ãgu yũre ãhmurare ãgu yũre masicũ iirare weregũra mũare.

<sup>2</sup> Õpa ãhmunũgami ãgu yũre: Catorce bojori gohra waha yũre Cristo yagũre mũmarogue ãgu aĩ mũriara pũhrũ. Õmarogue necã wecague yũre aĩ mũriami. Yũ sĩporã dihtare ãgu aĩgãcũ masibea yuhũ. O yũ dupũ sãre ãgu aĩgãcũ sãre ne masibea yuhũ. Goãmũ dihta irire masimi.

3-4 Eropigu paraíso waĩcurogue yure aĩ mariojami. Irire masia yũhũ. Yũ sĩporã dihtare ĩgu aĩgãcũ masibea yũhũ. O yũ dupũ sãre ĩgu aĩgãcũ masibirica. Goãmu dihta irire masimi. ĩgu eropa aĩ marioacũ ejagu eroguere ĩgu wererire peebũ. Iri yũ peerare masa ne masibeama. Iri wererire gajirãre weredorebirimi yure.

5 Eroguere ĩgu yure eropa wererare muare weregu, “Yũhũ yujugu ta gajirãre tarinugagu aĩhraa,” arĩboya yũhũ. Eropigu irire werebeaa yũhũ. Yũ masibirira dihtare yũ turabirira dihtare mucubirigu muare weregura.

6 “Gajirãre tarinugaa yũhũ,” muare arĩ were-diacũ yũ arĩra diaye arĩboca. Eropigu eropa arĩ weregu eropa arĩmaacãbiriboya yũhũ. Eropa arĩbiriqueregu ta “Õpa gajirãre tarinugaa,” arĩ weresome yũhũ muare, guhyadiaro yure ĩhari arĩgu. Yũ arĩro tauro maã yure umupeocũ gamebeaa.

7 Cristo õatariarire umaroguere ĩgu yure ĩhmucũ ĩadigu arĩgu, “Gajirãre tarinugaa yũhũ,” arĩboca yũpũ. Eropa yũ arĩbiriboro dopa Satana ĩgu yure dore moacũ ĩagu “Õaroca,” arĩ apidi arĩmi Goãmu. Eropigu yũ ñero tariboro dopa yure dore moadi arĩmi Satana. Iri dore poraru ñajaro dopa ta yure pũribũ.

8 Iri dore yure taridoregu serẽmuriribũ mari Opure. Uhresubu serẽribũ.

9 Yũ eropa serẽquerecũ ta i dore tamerare yure taricũ iibirimi ĩgu. Õpa arĩ yure yũhĩrimurimi ĩgu: “Mũre mahia. Yũ mahiri mera

õaro árĩgũca mũhũ. Pũriniguicãsũgũ, turabigũ árĩgũ yũ turarire õaro ãhmugũca mũhũ. Turarã tauro mũhũ yũ turarire masare masicũ iigũca,” arĩ yũhrimũrimi Goãmũ yũre. Ĩgũ eroparĩcũ peegũ turabigũ yũ árĩrare masigũ mucubiria. Eropigũ yũ turabirirare masare mucubiriri mera weregũra. Eropa arĩ weregũca Cristo ĩgũ turaripũre yũhũ gajirãre õaro masicũ iiboro dopa.

<sup>10</sup> Eropigũ Cristo yagũ yũ árĩri dipuwaja yũre pũriro árĩquerecũ ta, gajirã ñero yũre werenigu-iquerecũ ta, ñetariaro tariqueregũ ta, yũre erã ñero erã iiniguiquerecũ ta, yũre bujawerecũ erã iiquerecũ ta mucubiria yũhũ. Eropa ñero tariqueregũ ta, eropa turabigũ árĩqueregũ ta Cristo turari mera bocatĩua ĩgũre guñaturagũ. Eropigũ mucubiria.

*Corinto majarãre Cristo yarãre wũaro guñaricũñumi Pablo*

<sup>11</sup> Yũ árĩricũrire yũ basi weregũ guhyasĩriñaria yũhũ. Pee masibigũ iro dopa weregũ iiaa, arĩ pepia yũhũ. Yũ eropa werequerecũ ta iri mũa ya dipuwaja ãhraa. Mũapũ yũ árĩricũrire gajirãre õaro werecũ yũ basi werebiriboaya. Yũhũ bu árĩgũ árĩqueregũ ta “Jesu ĩgũ apinirã ãhraa,” arĩ guyarãre doca merebeaa yũhũ.

<sup>12</sup> Diaye ta ñero tarigũ árĩqueregũ mũare Goãmũ turari mera deyoro moarire ii ãhmuribũ. Eropa ii ãhmugũ Cristo ĩgũ apidigũ yũ árĩrire ãhmugũ iiribũ mũare.

<sup>13</sup> Gaji macari majarãre Jesu yarãre mũa sãre yujuro mera ãhmuribũ yũhũ. Mũapũre gajiropa



ñari iiribũ. Mũa dihtare garibobiriribũ. Mũa dihtare gajinore yaha árĩburire serēbiriribũ. ¿Yũhũ mũare itamurire serēbiricũ ñehe árĩri mũare? Iri ñeri árĩcũ irire cādijique mũa yũre.

14 Ire peeque mũa. Pesubu mũa pohrogue yũ ejara pũhrũ dipaturi wadiaa daja. Eroque ejagu mũare garibosome yũhũ. Gajinore serēsome yũhũ mũare. Mũa yare gamebeaa yũhũ. Cristo yapũre mũa yũhrirã árĩcũ gahmea yũhũ. Masa porãpũ erã pagũ sũmarãre erã gamerire obeama. Erã pagũ sũmarãpũ erã porã gamerire ohoma. Eropa ta mũa yũ porã iro dopa árĩrã yũ gameripũre osome mũa.

15 Eropigu yũ tamera yũ oparipũre odiaa mũare itamubu. Mũa pohro majagu iro dopa árĩdiaa mũare itamubu. Mũa yũ turaro mahiquerecũ ta mũapũ yũre daberogã mahia yũ pepicũ.

16 Eropigu mũa mera árĩgu mũare garibobiribũ. ¿Eropa ta iiari yũhũ mũa pepicũ? Eropa iiquerecũ ta yujurãyeri mũa mera majarã õpa arĩrãcoma: “Pablo gajinore marire aĩdiagu gũyami,” arĩrãcoma.

17 ¿Erã arĩro dopa ta iigu árĩgu dohpa irire iiboyuri yũhũ? ¿Mũa pohrogue yũ obeonirã ñehenore yũre gũyabasayuri erã mũare mũa ãacũ?

18 Sohõ arĩrasubugue Titore mũa pohrogue wadoretuhabũ ãgũre. Eropigu gajigũre Jesu yagũre ãgu mera obeobũ. ¿Tito mũare gajinore gũya aĩri mũa ãacũ? ãgu yũ iro dopa ta Goãmu ãgu gameri dihtare iigu ãhrimi. ¿Eropigu yũ iro dopa ta iibiriri ãgu mũa ãacũ?

19 ¿Ipũ mera gua basi arĩ cãhmotarã iiri gua mũa pepicũ? Árĩbeaa. Cristo yarã ãhraa. Eropirã Goãmũ ĩgu ĩhuro mũare wererã iiaa. Yũ acawererã, yũ mahirã, mũapure eropa arĩ werea mũare itamudiarã.

20 Yũ erogue ejacũ yũ gamero dopa iirã árĩbiriboca mũa. Eropigu mũare turaro guñaricua. Eropigu mũa gamero dopa iigu árĩbiriboca yũ sã erogue ejagu. Gajiropa mũa iicũ ĩagu wereguca mũare. Erogue yũ ejacũ mũapu mũa basi game dũyasorã, gajino erã opacũ ĩarã ĩhaturirã, mata guarã, mũa gamero gajirãre tarinũgadiarã, gajirãre ñero werenigu-irã, ñeri quere moarã, “Gua tamera gajirãre tarinũgaa,” arĩrã, mũa gamenererore goroweorã árĩboca mũa. Mũa eropa iicũ bocaboca arĩgu, guñaricua yũhu mũare.

21 Erogue yũ ejacũ mũare yũre guhyasĩrisãcũ iibocumi Goãmũ yũre. Eropigu árĩpehrerã iribojegue ñero iinirãre erã ñerire bujawerebircũ ĩagu turaro bujawereguca yũhu. Nome mera ñero iirãre, ñerire uaribejarãre ĩagu bujawereguca yũhu.

## 13

### *Pablo weretuñumi*

1 Dohpaguere mũa pohrogue wagu uħresubu ejaguca erogueru. Pesubu ero coreguere ejatuhabu. Eropigu mũare ire wereguca. Őpa ãhraa Goãmũ yare erã gojarapũ: “Yujugure mari dipuwaja moaboro core perã, urerã ĩguere weresãro gahmea. Erã eropa weresãra puħru

dipuwaja moamasia mari,” āhraa Goāmũ yare erã gojarapũ.

<sup>2</sup> Iribojeguere ñero iirã mũa árĩcũ mũaare árĩpehrerã gajirã ñero iirã sãre dipaturi guhyadiaro mera weregura. Yujusubu ejadi mũa pohro dipaturi ejagu mũaare ire werebũ. Dohpaguere mũa mera árĩbigũ dipaturi mũaare ire werebeogu iiaa daja: Dohpaguere mũa pohroguere ejagu, ñero iirãre diaye ta dipuwaja moagura yuhũ.

<sup>3</sup> Yũ eropa iicũ ãarã, Cristo ãgu apidigu ãgu turari mera yũ buhecũ masirãca masidiarã. Cristopũ mũaare doregu turatariagu āhrimi. Eropigu ãgu turarire ãhmumi mũaare.

<sup>4</sup> Mari iro dopa dupucugu, ãgu turabigu árĩgu, crusague sĩripũ. Eropa sĩriqueregu ta Goāmũ ãgu turari mera ojocarimi ãgu dohpaguere. Gũa sã ãgu iidiro dopa ta turabirã āhraa. Eropa turabirã árĩquererã Cristo mera ojocarirã Goāmũ ya turari mera árĩrãca mũaare itamumorã.

<sup>5</sup> Eropi mũapũ mũa basi õpa arĩ pepique. “¿Diaye ta Cristore umupeogu āhriri yuhũ?” arĩ pepique mũa. Diaye ta Cristo mũa mera majagu ãgu árĩbircũ ãgu yarã gohra árĩbeaa mũa.

<sup>6</sup> ¿Mũa guapure “Jesu yarã ãgu apinirã árĩbeama,” arĩ pepiri? ãgu yarã gohra āhraa gũa. Irire mũa masicũ gahmea yuhũ.

<sup>7</sup> Eropigu mũa ñero iibiriboro dopa Goãmũre serẽbasaa mũaare. Eropa serẽbasaa gũa mũa õarire mũa iiboro dopa. Mũa Goāmũ itamuri mera eropa õarire iicũ ãarã õpa arĩboca: “Guapũ erãre õarã wacũ iibũ,” arĩboca gũa gajirãre guare umupeocũ iimorã. Eropa arĩ

umupeodorebeaa ɣua. Iri duhpiburi árĩbeaa. Eropirã m̄are eropa Goãm̄re serēbasarã m̄aa ya árĩburire serēbasarã iiaa. Ōarire m̄aa iicũ tamerare gahmea ɣua.

<sup>8</sup> Eropa dihta gahmea ɣua. Goãm̄ ya diaye árĩr̄ire goroweomasibea ɣua.

<sup>9</sup> Eropirã m̄aa ōarire iicũ gamerã turabirã iro dopa árĩquererã ɣua mucubiria. Ōarire iirãp̄ m̄ap̄ turarã árĩcũ ōhaa. Eropirã m̄aa ōarã waborore Goãm̄re serēbasaniguicārãca ɣua m̄are.

<sup>10</sup> Eropiḡ m̄aa mera árĩbiḡ m̄are ip̄re gojabeoyuḡ iiaa. M̄aa pohrogue ejaḡ m̄aa ñero iirã árĩcũ ñaḡ m̄are dipuwaja moaḡca. Cristo ȳre ñḡ dorediro dopa ta m̄are dipuwaja moaḡca. Ȳ eropa dipuwaja moabiriboro dopa ip̄re m̄are gojabeoyuḡ iiaa. M̄aa ōarire gohrotocũ ñadiaḡ gojabeoyuḡ iiaa. Cristo ñḡ dorediro dopa m̄are itamudiaca. M̄are dipuwaja moadiabeaa.

<sup>11</sup> Dohpague ȳ acawererã, m̄are ōadoreaa. Cristore guñaturanemoque. Eropa iirã ōarã árĩque. M̄are ȳ wererare ōaro peen̄ruque. M̄aa mera majarã mera yujuro mera pepique. M̄aa basi ōaro mera árĩque. M̄aa eropa árĩcũ ñaḡ m̄aa mera Goãm̄ árĩḡcum̄i. Ñḡ marire game mahicũ iiḡ, marire ōaro mera árĩcũ iiḡ àhrimi.

<sup>12</sup> Eropirã m̄aa mera majarãre bocatĩrirã erãre ōaro mera mojoto ñeaque m̄aa.

<sup>13</sup> Árĩpehrerã ò majarã Goãm̄ yarã m̄are ōadorema.

14 Mari Opu Jesucristo mera mware  
árĩpehrerãre õadorea. Eropigu Goãmũ ãgu  
mahiri mera árĩpehrerã mware õadorea.  
Eropigu Espĩritu Santo árĩpehrerã mwa mera  
õaro ãhrimi. Eropã ta árĩporo. Iripẽta ãhraa.

## **Desano**

### **Desano: Goãmu Yare Wereripu New Testament**

copyright © 2011 Wycliffe Bible Translators, Inc.

Language: Desano

Contributor: Wycliffe Bible Translators, Inc.

All rights reserved.

2025-05-01

---

PDF generated using Haiola and XeLaTeX on 30 Apr 2025 from source  
files dated 1 May 2025

17771afc-c309-57fd-9ff3-2d5a0cd59ff1